



Duela hiru urteko eta iazko argazkiak, batean Goizuetara iristeko gertu eta bestean urtero eramaten duten mojito bidoiarekin eskultura egiten.

Hernani eta Urnietako lagun talde bat aurten 19 garren aldiz joango da oinez Goizuetako festetara

■ Mendi buelta eta parranda batera egiten dituzte eta ibilbidea lasai egiten dute ■ Urtero mojito bidoia eramaten dute biderako eta Azketan egiten duten afarian bonitoa erretzen dute parrillan ■ Gaur aterako dira arratsaldeko 18:00etan Kardaberaz Kaleko Bodega Tabernatik.

GOIZUETAKO festen aitzakian Hernaniko eta Urnietako lagun koadrila batek Hernanitik Goizuetarako mendi martxa egitea erabaki zuen duela 19 urte. Ordu ezkerotik urteroko ohitura bihurtu da eta eguzki, euri edo kazkabarra egin Goizuetara aldera abiatzen dira, ondo pasatzeko asmoarekin. 19 urte hauetan istorio xeble mordo bizi izan dituzte, mendi buelta eta parranda batera egitearen ondorioz. Aurtengoan ere asmo berarekin doaz eta gaur, larunbata, arratsaldeko 18:00etarako geratu dira Bodega Tabernan Goizuetara abiatzeko.

1984garren urterik hona
Goizuetara egin zuten lehen mendi martxa duela 19 urte

izan zen, 1984garren urtean. Ohitura honekin jarraitzeko arrazoia lagun baten heriotza izan zen, mendi martxako bigarren urtean Aljezirasen zegoela gertatu zen heriotza. Laguna gogoratzeko mendi martxa urtero egitea pentsatu zuten eta gaur eguneraino jarraitu dute ohiturarekin. Aurtengoan ere badute beste omendu bat, lehengo urtean hil zen Urnietako laguna: *Arros*.

Urte guzti hauetan *Putre* aritu da mendi martxa antolatzen baina aurtengoan berak ezin zuenez Agustin Galartzak eta Joxean Landaribarrek antolatu dute. Antolatzaileek esan digutenez, jende dexente biltzen da mendi martxarako

eta urtero jende berria azaltzen omen da. Bakoitzak 10 euro jartzen ditu eta horrekin mendi martxarako behar dituzten gauzak erosten dituzte: urtero-urtero eramaten mojito bidoia, afaltzeko parrillan erretzen duten atuna, eta abar.

Ibilbidea

Hernanikoak direnak Kardaberaz kalean dagoen Bodega Tabernatik ateratzen dira arratsaldeko 18:00etan, eta Urnietakoak direnak aldiz Besabitik. Bakoitzak bere ibilbidea egin ondoren Adarra atzeko monolitoan biltzen dira, bertan atsedena hartzen dute eta monolitoaren inguruan jartzen dira arbasoak gogoratzeko. Adarrako punta atzean utzi eta

Azketara abiatzen dira, eta bertan dauden uso postuetatik gertu, afaria egiteko prestatzen dira. Inguruan dagoen borda baten babesean sua egiten dute, parrillan atuna erretzen dute, danborrak jotzen dituzte, eta abar. Hemendik aurrera Goizuetako bidea erraz aurkitzen denez, bakoitzak nahi duena egiten du: Azketan lotan geratu, goizeko ordu txikietan Goizuetara abiatu edota nahi dena. Antolatzaile lanetan dabilen Joxean Landaribarrek esan digunez, urtero bide ezberdin batetatik iristen omen dira Goizuetara.

Ibilbidea egiteko 5 ordu behar izaten dira baina bidean askotan gelditzen direnez eta patxada handiarekin hartzen

dutenez ez dago ibilbidea egiteko denbora jakinik. Goizuetara iristean Ixkina Tabernan egiten dute parada hamaiketako egiteko.

Anekdotak

Hainbeste urteren ondoren badute zer kontatua. Lehengo urtean adibidez, urtero eramaten duten mojito bidoiarekin eskultura bat egin zuten, Azketa inguruan. Bestetik, duela urte batzuk, Goizuetarrek bonberoak bidali zituzten Hernaniko eta Urnietako lagun talde bat mendian galduta zegoela esanez. Bonberoak hauen bila joan zirenean sekulako parrak egin zituzten mendian zeudenek, dena zurrumurrua baizen. □

Telemar Itxastele, S.L.

RENOVE PLANA

Egundoko **ESKAINTZAK**
Etxe tresnatan eta mugikorretan.

Telemar Itxastele - Elkano kalea 13 - Tel.: 943 55 33 99 - 943 33 00 60

JOMARRI

EDARITEGIA

Kale Nagusia, 7
55 00 32
HERNANI

Antziola-Motor
Salmenta eta taller zerbitzua

Ford Mondeo

3 aukera ezberdin, gusto ezberdinentzat:

- 4 ateko elegantzia
- 5 ateko deportiboa
- Wagon familiarra

Etorri, ikusi eta aukeratu.

Antziola auzoa 12 - Hernani - Tel.: 943 55 57 72
Orduetgia: astean zehar 9-13 eta 16-20 - Larunbatean 10-13


ERREMONTEA -CASINO KURSAAL BURUZ BURUKO TXAPELKETA

Zeberio II finalaurrekoan da Bitoriari irabazita

■ Bitoriak partidua esku eskura izan zuen 20-24 aurretik zela, baina, nekeak eraginda behera egin zuen bukaeran ■ Gaur Lizaso eta Eizagirre aurrez aurre.

Zeberio II-ak 30
Bitoriak 26

PARTIDU gogorra, borrokatua eta ona jokatu zuten ostegunean Galarretan Patxi Zeberio eta Xabier Bitoriak. Partidu hasieran Bitoriak dena ondo egin zuen eta aurrea hartu zuen markagailuan. Zeberio II-ak ahal zuen moduan eutsi zion partiduari, Bitoria dotore aritu baitzen eta sake luze eta kruzatuarekin min haundia egin baitzuen. Sei tantoko alde ere izan zuen Bitoriak eta partiduko azken txanpan 20-24 aurretik izan zen. Hortik aurrera, ordea, fisikoki behera egin zuen eta Zeberio 8 tanto segidan eginda 28-24 hartu zuen aurrea eta 30-26 irabazi zuen. Partidu bukaeran Zeberio onartu zuen ueste baino askoz gehiago kosta zitzaioala partidua irabaztea, eta Bitoriak oso partidu ona egin zuela "azkenean fisiko hobeagatik irabazi diot" esan zuen. Bitoria ere gustora zegoen nahiz eta aukerako partidua galduta pena pixka



Zeberio gogor eman zion pelotari lehenengo final-laurdenean.

bat izan "Zeberio fisikoki izugarria da eta bukaeran ia akabatu nau" onartu zuen.

Lizaso - Eizagirre gaur
Bigarren final laurdena jokatuko da gaur Galarretan Lizaso eta Eizagirren artean.

Faborito Lizaso aterako da, baina, Eizagirre ez da edozein buruz buru, eta dagoeneko urte batzuk baldi baditu ere, fin aritu beharko du doneztebearekin partidua aurrera atera nahi badu. Jaialdia 16:00etan hasiko da. □


FUTBOLA -JAVI PEREZ VACAS MEMORIALA

Stadium Casablanca taldea Hernani baino gehiago izan zen atzo Zubipen

Hernanik 1
Casablancak 4

JAVI Perez Vacas zenaren omenezko bigarren memori-ala jokatu zen atzo Zubipen eta iazko irabazlea izan zuen aurtengo edizioak ere. Zaragozako Stadium Casablancako jubenilek argi erakutsi

zuten zergatik dauden kategoriarik altuenean eta lau gol egin zituzten Hernaniko mutilei eta gehiago egiteko aukerak ere izan zituzten. Hernaniko taldeak gogor borroka egin zuen eta gol bat egin zien zaragozarrei bigarren denbora erdialdera. Aurtengo kopa ere Zaragozara joan da, beraz .



Ricardo Ramos CDHko lehendakaria Zaragozako kapitainari saria ematen.

INGURUKO HERRIETAKO FESTAK

Goizueta, Donosti, Arano eta Astigarragan festa gaur

■ Goizuetan Amabirjinak ospatuko dituzte, Donostian Aste Nagusia eta Aranon eta Santio Mendin San Roke eguna.

EGITARAUA

GAUR DONOSTIAN

10:00 Skate Haur Txapelketa, Anoetan.
10:00 Hondarrezko Gazteluen Haurrentzako Txapelketa, Zurriolako hondartzan.
10:30 III Aste Nagusiko Billar Txapelketa, Idiakez kaleko gizarte elkartean.
11:00 Barrene herrikoia, Trinidad plaza.
17:30 Haur Eskrima, Jose M^a Sert plaza.
17:30 Haur festa, Zurriolako terrazan.
18:00 Zezenak Illunben.
18:00 *Emperadores* Mariachi taldea, Erdialdean.
18:00 Fanfarreak kaleetan.
18:30 Txotxongiloak, Amara parkean.
20:00 *Orfeo ed Euridice*, Kursaal.
20:00 Fila 7 taldearen *Yo me bajo en la proxima...* antzezlan, Antzoki Zaharrean.
20:00 Folklore jaialdia, Konstituzio plaza.
22:45 Su Artifizialak. (Italia-Alemania)
23:00 Fila 7 taldearen *Yo me bajo en la proxima...* antzezlan, Antzoki Zaharrean.
23:15 Zezensuzkoa.
23:30 Gau latinoa, Errege Katolikoetan.
23:30 *Adeshoras*-en emanaldia, Kataluinia plaza.
23:30 *Juanes*, Saguesen.
23:30 *Martiko* eta *Garate*, Paseo Berrian.
23:30 *Paradigma*, Zuloaga plaza.
23:30 Folk-Jazz, Trinidad plaza.

00:00 *Ikabi*-ren Berbena, Paseo Berrian.
00:30 DJak, Zurriolako terrazan.

GAUR GOIZUETAN

12:30 Afizionatu arteko pilota partidua.
18:00 Umore-Ona, Gaztetxea, Guraso Elkartea eta Batzordearen ordezkarien arteko joku lehia herriko plazan.
19:30 *Txatunga Bembé* herriko plazan, eta ondoren herriko kaleetan zehar.
00:00 Dantzaldia *Trakets* taldearekin eta *Igandea* txaranga herriko kaleetan.
01:00 Suzko zezena.

GAUR ARANON

10:00 Diana eta kalejira.
11:00 Meza Nagusia San Roke ermitan
12:15 Pelota partidua
14:30 Bazkari herrikoia eta omenaldia Xabier Narbarteri
18:30 Kalejira eta Agur Jaunak.

GAUR SANTIO MENDIN

11:00 Meza
11:30 Umeentzat Herri Kirol jolasak
-Astigar dantza taldea
-Bertso Bazkari Herrikoia: Amets Arzallus, Sustrai Colina, Agin Rezola
-Haurren irrintzi txapelketa herrikoia
-Helduen dantza txapelketa herrikoia

ZERBITZUAK

☎ TELEFONOAK

▶Taxiak: 943 550093
▶Udaltzaingoa: 943 333288
▶DYA: 943 464622
▶Autobusak: 943 556662
▶Anbulatorioa: 943 006666
▶Jokalarri anonimoak: 943 331103

☎ FARMAZIAK

▶Eguez: Gomez Justel
Kale Nagusia 14
☎ 943 554892
▶Gauz: Gomez Justel
Kale Nagusia 14
☎ 943 554892



Ostegun, larunbat eta igandetan jaialdiak

GAUR 16:00ETATIK AURRERA

ERREMONTE JAIALDIA:

1. partidua: Juaristi - Ion / Urteaga - Agirrezabala
2. partidua: "Casino Kursaal" txap.: Lizaso - Eizagirre
3. partidua: Ezkurra - Etxeberria II / Altuna II - Iriarte
4. partidua: Sarasua - Urretabizkaia II / Bitoria - Badiola



Hernani eta Stadium Casablanca taldeko jokalarri eta lehendakariak eta Javi Perez Vacasen senideak, denak batean, atzoko partidua hasi aurretik.